



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

5. Prima tentatio morientium, spes vit[a]e prolongandæ.

urn:nbn:de:hbz:466:1-45701

854 Cap. LX. Morientium spes pœnitentia, & auxilium in temptationibus.
quod verum; nec irremissibile, quod voluntarium, & quacumque ne-
cessitas cogat ad pœnitudinem; nec quantitas criminis; nec breuitas
temporis; nec hora extremitas, nec vita enormitas: si vera contritio, si
pura fuerit voluntatis mutatio, non excludit à venia, sed in amplitudine
finis sui mater charitas prodigos suscipit reuertentes, & velit nolit
Nouatus hereticus, omni tempore, DEI gratia recipit pœnitentes.
Etiam in ipsa morte, in qua maximè necessaria est pœnitentia...

IV.

Apoc. 12. 12.

Sed ne peccator moriturus pœnitentiam agat; immò, ut
etiam, qui pœnitentiam egit, deiiciatur, hostis noster Stygius,
qui toto quidem vitæ tempore nos assidue tentat, tunc tamen
maximè laborat, sciens, quòd modicum tempus habet. Cùm enim
iram magnam, sitimque ingentem nostræ perditionis circumse-
rat, perspiciatque, nisi tunc nos vincat, æternum se victum
mansurum, omnem vim suam exerit, ut mortem nostram infer-
nus sequatur. De quali mortuo loquitur Ioannes: *Ecce vidi equum*
pallidum, seu corpus infirmum, & exangue, & qui sedebat super
eum, nomen illi Mors, & infernus sequebatur eum. Per infernum
non tantum intelligitur sepulchrum, sed etiam ipse æternus car-
cer damnatorum. Hinc hosti nostro nos fortiter oppugnanti,
se se longè fortior opponit D̄vs, Angelus custos, qui & ipse vi-
det, modicum sibi tempus superesse, ad clientem suum non amit-
tendum; Dei Mater, omnes Diui, si ad eorum auxilium confu-
giamus: præsertim autem illi, quos in omni vita sumus præcipue
venerati. Hi pro nobis orant, Angeli nobiscum pugnant: D̄vs
vires intellectui suggerit, & voluntati. Sed age temptationum
genera, & remedia percurramus.

V.

1. Plerique ægroti tentantur spe falsa conualescendi:
aut certè, vt etiam jam jam morituri, mortem adhuc longissi-
mè abesse arbitrentur. Nimirum amor vitæ præsentis eis per-
suaderet, vt, quidquid libenter haberent, libenter credant. Non
parua est hæc tentatio, quia efficit, vt ægri nec peccata sua ad-
huc confiteri velint, nec ad mortem se præparent, neque extre-
mam vñctionem admittant, immò nec mentionem mortis. Et
accedunt à mundo submissi & à Satana instigati amici, qui per-
speciem consolationis morituro dicant, adhuc non esse despera-
tum de vita, posse eum reuirescere, breui melius habiturum.

Vt inam

Vtinam non & ipsi medici, contra testimonium venæ languidè
micantis, & contra conscientiam suam, atque experientiam
mentirentur, & spem ægro facerent vitæ prolongandæ, quem
palpant breui expiraturum? cùm eorum officium esset, candi-
dè monere, actum esse de hac vita, tandem de altera cogitandū.
Vtinam & ipsi consanguinei & amici, verum loqui tuac aude-
rent! Nam dum spes est vitæ producendæ, dum de poenitentia
non cogitatur, dum alia omnia aguntur; vel expirat infirmus,
vel sensum & rationem amittit, fitque ineptus ad omnia, quæ
saluti illius essent necessaria, quod plurimis calida febri labo-
rantibus contingere solet. Contra hanc ergo temptationem cla-
mant è cathedra sacri oratores; loquuntur libelli pij; monent
cordati medici, & amici, exhortantur Patres Spirituales aduo-
cati; instigat Angelus custos, & propria conscientia, si ad eam
attendere vellent. Quæ enim dementia est, audiuisse, vel etiam
vidisse, tot à delirio, vel etiam morte præuentos, sine poeniten-
tia deceßisse; & non timere, ne sibi idem contingat? Quanta
cæcitas mentis est, quām primū aduocare chirurgum in gna-
giuarum inflammationibus, paronychijs, & pterigijs, aut redu-
uijs vnguium; citare medicum in capitis, aut ventris dolore; ac-
ceptare syrups, & acerbissimas ab illo præscriptas medicinas,
ut dolor & morbus de corpore pellatur; & pro anima nihil fa-
cere, quæ periculo laborat æternæ damnationis? cùm anima
plus sit, vtique, quām corpus; adeoque & plus curanda? Sapi-
enter enim S. Chrysostomus dixit: *In doloribus corporis, qui gra-* S. Chrysost.
uor est, efficit, ut non sentiatur minor: sicut qui granem dolorem ex par- hom. 5. ad
onychia sentiebat; cùm vehementi aliquo stomachi dolore vexatur, il- pop.
lum alterum non sentit. Hunc in modum, quando te premet dolor de-
trimenti corporalis, cò quòd desit tibi salus, aut fortuna bona, aut quid
simile: procura vehementer aliquem dolorem de tuis peccatis, ob spi-
rituale damnum, quod ex eis oritur; & ob timorem horribilium sup-
pliciorum, qua promeritus es: & hoc dolore alterum mitigabis, ei n. q.
detrimentum partui facies. Hinc & Christus dixit: Nolite timere Matth. 10.18.
eos, qui occidunt corpus, animam autem non possunt occidere: sed po-
tius eum timete, qui potest & animam, & corpus perdere in gehennā.
Quis non dicat delirare cum, qui pro corpore tam solitus est.

85 Cap LX. Morientium spes poenitentiae, & auxiliij in temptationibus.
& animæ suæ, in ultimo discrimine non habet rationem? Denique ægrotus, quoties Christi imaginem intuetur, nonne ab illo dicit, negotium animæ non esse differendum? Siquidem Christus nostram operari salutem non distulit in mortem, sed eam statim natus coepit usque ad supremum spiritum operari. O nos tardos, tanti ducis, imitatores! Cur paulò post morituri spem tam incertam, fallacem, periculosam, vanam, non relinquimus & auersamur, immò detestamur, & ad luctam ultimam, à qua pendet æternitas, nos non, quām primum male habere, incipimus, & mortem vel à longè suspicari, statim feriò accingimus? quod vel ante morbum omnem faciunt, quicumque sapient. Enim uero, ego, ex tali morbo non sis moriturus, sed iterum ad vires tuas redditurus, quid nocebit tibi, morbi admonitione, & mortis timore ad Dominum Deum tuum conuersum esse? Non idcirco morti vicinor eris, quia iudici amior. E fortasse ea ipsa de causa vita tibi donabitur, quia Domino vita es conciliatus. Vno verbo poenitentiam agere, prodest semper, differre, nocet plerumque.

VI.

2. Tentantur ægroti impatientia, etiam cum vident, aut credunt, se morituros. Crescente enim imbecillitate, & aucto in dies dolore, ac medicis ipsis de vita desperantibus, facile animaduertere potest infirmus, quod res suæ tendant. Cacodæmon igitur, quando spe longioris vita lactare tales amplius ac deludere non potest, alijs cum machinis aggreditur, ut à poenitentia, & Deo auertat. Menti enim illius cogitationiq; proponit morbi cruciatus, nauseam ciborum, ardores febrium, sitis assidue molestiam, impotentiam dormiendi, lassitudinemque ex assidue vigilijs ortam; addit somnia subinde, aut phantasias tristissimas, exhibet illi medicamentorum inutilem amaritudinem; impatientiam eorum, qui illi ministrant, & necem optant, vt labore seruendi liberentur; denique mille arietes illi admouet, vt eum expugnet, ad iram, murmurationem, vindictam, querelas, immò & blasphemias in ipsum Deum inciteret. Quæ omnia tantò facilius impetrat, quantò maior est cupiditas viuendi, amorq;ne pristinæ sanitatis. Hinc sæpe etiam ad illicita, immò & diabolica remedia recurritur, desertoque vita authore, exitij nostri

titutor